

貓仔姊的一工

播出時間：2019 / 9 / 4

星期三 中午 12：05

報報小達人： 908 吳勝億

稿件編輯：陳思恩老師

各位老師，各位同學，大家午安，我是 908 吳勝億，我是今天的報報小達人，今天，我要為大家播報的內容，是：貓仔姊的一工

佇這個有淡薄仔寒的早起，日頭阿公欲若毋咧，覆佇遠遠的天邊，無啥氣力的款。Mi-mi 覆佇窗仔門邊，擰頭看窗外的天，天頂有兩蕊雲尪連鞭咧走相逐、連鞭咧覘相揣，有時閤親像咧耍跳索仔，懸懸低低。

「彼隻蛇蜇，真正毋知見笑，昨昏險仔予人用淺拖仔拍死，今仔日閤敢走出來聳鬚。」Mi-mi 目睭金金相彼隻趯來趯去、躑來躑去的蛇蜇。

「好！毋驚死就做你來，等咧莫哀爸叫母，看我天下第一快，阿貓姊 Mi-mi 的厲害。」伊跤手猛掠，一下手就對桌仔頂跳落來逐彼隻蛇蜇，哪知蛇蜇看毋是勢，隨躑對櫥仔跤去，予伊掠袂著。伊感覺誠無議量，只好閤跳起去窗仔門邊的桌仔頂，做伊的讞古夢。夢中的伊是喝水會堅凍的貓仔女王，伊當咧發佈重要的命令。

「ngáu！ngáu！ngáu！」彼籬目睭皮無漿汨的 Ph ī-phî，實在是誠害，無代無誌吠甲遐大聲，攏無想著阿貓姊仔我，當咧睏晝做美夢，

真正是氣死人。恁看！恁看！窗仔外彼兩隻當咧談情說愛的厝角鳥仔，予 Ph ī -phî 無張持的叫聲，吠一下，掣一趟！險仔頭殼相砣，就按呢飛走去矣！

「Mh！又閣來矣，真正是有夠臭的。」哦！樓跔的阿伯閣咧沃菜矣。頂禮拜，才聽著伊咧共厝邊臭彈講：「我這是天然的，毋是化學的喔！」笑死人，屎肥就是屎肥，閣講是啥物無化學的天然肥料。

聽講這馬的人真驚死，逐項攏毋敢食，若看著菜有菜蟲就歡喜甲講彼是無濺農藥的。哎哟！彼菜葉仔一穿一穿就講無毒，是有機的，敢按呢？真正是騙鬼袂食水，講白賊攏免本錢。

我欲共恁偷講一个秘密喔！自阮搬來這間倚山的厝了後，我就定定看著佇樓跔的山坡地咧種菜的阿伯仔，伊三不五時就會濺彼臭甲予人鼻著強欲袂喘氣的藥仔，是講彼藥仔嘛是誠厲害，因為有伊的加持，逐樣菜攏嘛嬌嚙嚙，過無三工，阿伯仔就挽去賣矣！

「Mi-mi！Ph ī -phî！緊來食暗。」阿娘喂！Ph ī -phî 的飯內底有青菜，好佳哉我是貓仔，若無我嘛毋知是欲食佗一款的菜較好，有蟲的抑是較嬌的？

以上是今天的 Happy 播，期待下次相見！